

SYAIR GILA EKOR
(II)
(OLEH AHMAD HUSĪN)

68. Marilah lihat contoh tauladan,
daripada alam empunya kiasan,
akal yang gelap penuh bayangan,
apabila hantu dijadikan tuan.
69. Seorang umat terlihat di jalan,
ganjillah sungguh tingkah kelakuan,
tidak mengendahkan sahabat dan kawan,
meleraikan diri tidak ketentuan.
70. Apa yang dikejar, apa yang dituju,
orang di jalan tidaklah tahu,
adakah ia sedang diburu,
oleh orang yang sudah tertipu?
71. Dalam gelap terus berlari,
tidak menoleh kanan dan kiri,
nampak ia tak sedar diri,
menakjubkan orang tidak terperi.
72. Sekoyong-koyong haluan diubah,
masuk halaman rumah sebuah,
tangga dipanjat terlalulah mudah,
mengetuk pintu bergopoh gapah.
73. Ketuk didengar orang di dalam,
sangka mereka ialah si Adam,
yang keluar melawat rumah Pak Salam,
bahari balik dalam kelam.
74. Tetapi, ada sedikit rasa tercengang,
mendengar ketuk yang keras kencang,
mengapakah di Adam nampaknya radang,
seperti musuh datang menyerang.
75. Maka si Adam empunya tabiat,
dari luar melaung memberi alamat,
mengapa sekarang ketuknya kuat,
tidak melaung sama sesaat?
76. Siapa yang mengetuk boleh dilihat,
harus jiran datang melawat,
tentulah ada sesuatu hajat,
pintu pun dibuka seberapa cepat.
77. Bukan si Adam baharu kembali,
bukan jiran yang datang ke mari,
seorang kenalan yang berupa ngeri,
ke dalam rumah masuk berlari

78. Takjublah sekalian tak dapat berkata,
sejuklah badan pucatliah muka,
melihat orang yang liar mata,
menuju ke dapur memanjat para.
79. Pecahlah pinggan mangkuk dan piring,
terkejutlah orang yang sedang berbaring,
disangkanya itu perbuatan kucing,
yang pandai sekali mencari daging.
80. tidak endah pinggan dan piring,
pada dipanjat seperti kucing,
kerana dikejar oleh anjing,
kanak-kanak melihat berteriak nyaring.
81. Di atas pada ia berlindung,
tikar diambil dibuatnya tudung,
tidak endah orang melaung,
diamlah ia duduk bertingkung.
82. Mendengar bising, teriak dan laung,
hairanlah jiran dalam kampong,
apakah berlaku di rumah Pak Long,
datang berlari meminta tolong?
83. Di rumah Pak Long orang berhimpun,
hebohlah mereka sibuk berlabun,
setengah bertanya jika penyamun,
membawa lari kerbau yang tambun?
84. Bukanlah penyamun punya perkara,
memecah rumah di malam buta,
tetapi insane berkelakuan gila,
menyerbu masuk memanjat para.
85. Perasaan jiran bermacam-macam,
ada setengah berhati muram,
setengahnya pula terlalu geram,
orang di para hendak dihentam.
86. Kata seorang bernama Cik Hitam,
Orang itu jangan dihentam.
lebih baik kalau si Adam,
disuruh pergi jemput Pak Imam.
87. Datanglah Pak Imam gopoh gapah,
tiada serban tiada berjubah
bukan dijemput ke majlis nikah,
tetapi, membuat amalan perintah Allah.
88. Di rumah Pak Long Pak Imam menyeru,
“hai si pulan nama di anu,
apakah kamu buat di situ,
di atas para yang tidak bersapu?”
89. “Mengapa kamu bertingkah laku,
tiada terbit sopan dan malu,
di rumah orang masuk menyerbu,
adakah bersembunyi daripada seteru?”
90. “Tiadakah kamu berhati perut,
tiadakah kamu mempunyai mulut,
aku menyeru berturut-turut,
sepatah tidak kamu menyahut?”
91. Pak Imam menanti beberapa ketika,
seisi rumah diam belaka,
masing-masing melangut memandang benda,
di sebalik tikar atas para.

sambungan pada muka 30.

92. Di atas para diam sahaja,
tidak bergerak tidak berkata,
seperti orang pegak telinga,
penyakit bisu pula menimpa.
93. Menyeru lagi Pak Imam budiman,
mengeluarkan kata yang lebih aman,
“kami ini sahabat dan kawan,
bukan datang hendak melawan
94. Janganlah takut wahai si pulan,
turunlah ke bawah berjumpa kawan,
kami semua beri akuan,
tidak bala menimpa tuan.
95. Turunlah, turunlah cepat,
atas para bukanlah tempat
kami semua sangat berhajat,
dengan tuan hendak berpakat.
96. Marilah turun jumpa sahabat,
supaya tangan dapat dijabat,
musuh yang datang boleh dihambat,
daripada Tuhan mendapat rahmat.
97. Di atas para sebelah tikar,
terdengarlah suara bunyi menggegar,
tak tentu bunyinya halus dan kasar,
apa katanya payahlah dengar.
98. Orang di bawah memasang telinga,
hendak mendengar apa dikata,
tetapi sesia tidak berjaya,
suara menggeletar diam semula.
99. Kepada orang atas para,
Pak Imam melaung dengan segera,
“perlahan sangat kamu bersuara,
apa cakapmu tidaklah nyata.
100. “Janganlah takut bercakap kuat,
kami semua mempunyai hajat,
menolong kesemua supaya selamat,
supaya sekalian dapat nikmat.”
101. Tidak bergerak tikar sebidang,
seperti sedia kala menjadi pengadang,
di sebalik tikar suara mengerang,
apa sebabnya belumlah terang.
102. Jenuhlah menunggu di bawah,
masing-masing mencari akal helah,
di atas para tidak mengendah,
seruan Pak Imam yang tidak berjubah.
103. Beberapa lama berlaku demikian,
terdengarlah suara bunyi perlahan,
tercenganglah mereka yang ada sekalian,
mendengar suara balas kasihan.
104. “Pak Imamkah yang ada di situ?
Hai Pak Imam tolonglah aku!
Banyaknya orang tidaklah tentu,
Semuanya berlari mengajar aku!
105. “Lihatlah mereka datang melayang,
banyaknya tidak dapat dibilang,
bengisnya pula bukan kepalang,
aku dikejar malam dan siang.

106. “Setengah membawa kayu yang panjang,
setengahnya tongkat di tangan dipegang,
ada pula yang menghunus pedang,
yang lain memikul ranti bergelang.
107. “Tujuan mereka aku dihambat,
supaya aku dapat disebat,
supaya aku dapat dikerat,
supaya aku dapat diikat.
108. “Hai Pak Imam orang ibadat,
tolonglah aku supaya bertaubat,
lepaslah aku daripada laknat,
hantu iblis yang ku buat sahabat.
109. “Aku dikejar sehari-hari,
aku dikejar tidak berhenti,
semua menuntut ganti rugi,
upah menurun ekoran mencari.
110. Takjublah orang mendengar kata,
suara yang mengerang menggeletar di para,
sudahkah ia sebegitu tergoda,
sehingga akal menjadi gila?
111. Kata Pak Imam yang berasa terharu,
“Hai di pulan nama si anu,
ganjillah sungguh cakapmu itu,
manakah orang yang datang memburu,
kami tak nampak barang suatu.
112. “Tiada orang di bawah rumah,
di halaman pun tiada yang datang menceroboh,
di jalan pun tiada orang merempuh,
tak dengar bisings yang tidak senonoh.
113. “Hai si pulan yang kena rasuk,
hal mu sekarang tentulah teruk,
kena permainan hantu yang kutuk,
hati gelap jiwa pun mabuk,
114. “Hai umat yang demam mengerang,
jenguklah muka supaya memandang,
bukalah mata yang cerah dan terang,
lihatlah dunia yang bercahaya benderang,
115. “Ke dalam lubuk janganlah tenggelam,
janganlah merayau di dalam kelam,
Jagalah cahaya jangan terpadam,
itulah lampu panduan alam.
116. Ke dalam lubuk hantu jahanan,
belum lagi kamu tenggelam,
kamu sedar aku Pak Imam,
Cahaya tergelap belum lagi padam.
117. “Sedarlah diberi bangun berazam,
lawanlah hantu yang hitam legam,
nyahlah sekalian bayangan yang haram,
kepada kami berilah salam.”
118. Di atas para mengeluarkan kata,
tidak menggeletar nampaknya suara,
tikar penudang dilihat terbuka,
terzahirlah si pulan yang pucat muka.
119. Berucaplah suara perlahan-lahan,
member salam kepada sekalian,
salam disambut jiran budiman,
orang yang radang rasa kasihan.

120. “Hatikah yang terdesak bertambah lega,
perasaan yang rebut bertambah reda,
dan akal yang tertudung gelap gelita,
bertambah cerah seperti semula.

121. “Suara Pak Imam bertambah nyata,
jiran juga ku lihat berserat,
lenyaplah bayangan di hadapan mata,
lapanglah dadaku tak dapat dicerita.”

122. Lepas ia berkata demikian,
ke kiri ke kanan menoleh si pulan,
ganjillah sungguh tempat kedudukan,
di atas para tempat simpanan.

123. dilihat piring maangkuk dan pinggan,
ada yang pecah habis bertaburan,
sadarlah ia akan perbuatan,
melanggar masuk tidak bersopan.

124. Sedarlah ia perbuatan yang buta,
tentulah ia sudah tergila,
rasa dirinya terlalu hina,
memancarlah peluh berlinanglah mata.

125. Badan digerak kaki diangkat,
di atas para bukanlah tempat,
dirasa badannya terlalulah berat,
seperti anggota hilang semangat.

126. Melihat si pulan berasa penat,
Pak Imam Pak Long datanglah cepat,
dari para si pulan diangkat,
dibawa turun disuruh berehat.

127. Berehatlah ia beberapa ketika,
tangan diangkat disapuna muka,
tegaknya haus tidak terkira,
air diminta memuaskan dahaga.

128. Air yang sejuk sedaplah rasa,
syukurlah si pulan kepada yang Esa,
dan Pak Imam Pak Long orang berjasa,
diminta ampun mengapakan dosa.

129. Itulah satu contoh cerita,
kelakuan orang yang sangat tergodas,
kerana hantu empunya angkara,
banyak orang sudah kecewa.

(bersambung)

Pesan dari sekarang - sedang disipakan

‘Umar Ibn al-Khaṭṭāb

(penggal ketiga)

oleh

‘Abdullāh Basmeh

Senaskah \$1.20

belanja pos 10 sen.

Qalam, 356-8, Geylang Rd., Singapore 14.